

第〇七二冊

方輿彙編

職方典

順德府部

廣平府部

(卷)

二九—三〇

三一—三二

古今圖書集成

中華書局影印

欽定古今圖書集成方輿彙編職方典

第一百九卷目錄

順德府部彙考一

順德府建置沿革考

順德府疆域考

順德府星野考

順德府山川考上

職方典第一百九卷

順德府部彙考一

順德府建置沿革考

本府

通志

禹貢冀州之城周爲邢侯國後分屬晉戰國屬趙秦置信都縣屬鉅鹿郡項羽改襄國漢置鉅鹿常山二郡又爲趙國廣平國晉時爲石勒所據石虎改置襄國郡後魏改爲襄國縣後周仍於縣立郡隋開皇初廢郡以縣屬洛州開皇初置邢州大業初復置襄國郡唐武德元年爲邢州置總管府天寶初改爲鉅鹿郡乾元初復爲邢州又爲魏州爲趙州五代梁爲保義軍後唐改安國軍宋宣和四年改信德府建炎二年城陷於金金置邢州安國軍元初置元帥府尋改安撫司中統初陞順德府至元初改爲順德路置總管府明洪武元年改爲順德府屬北平布政使司永樂元年直隸京師

皇清因之領縣九

邢臺縣

商祖乙之都周邢侯之國戰國屬趙名爲信都秦置信都縣屬鉅鹿郡西楚改鉅鹿爲襄國漢改名趙以襄國爲屬邑東漢仍之三國魏晉俱仍名襄國屬廣平郡後趙據襄國改縣爲郡南北朝後魏改襄國郡爲襄國縣屬北廣平郡後周改襄國縣爲龍岡縣屬南和郡隋仍名龍岡縣屬襄國郡唐以龍岡縣屬邢州鉅鹿郡宋置信德府龍岡縣卒未改元改龍岡縣爲邢臺縣

屬順德路明改順德路爲府縣乃屬焉

皇清因之編戶二十三里

沙河縣

周邢國之屬地春秋末三家分晉爲趙食邑戰國仍屬趙秦信都縣地屬鉅鹿郡漢襄國縣地屬趙國隋分龍岡縣南境置沙河縣屬襄國郡唐初改縣爲溫州後廢復名縣屬邢州鉅鹿郡宋爲沙河縣屬信德府元仍縣名屬順德路明仍縣名改順德路爲順德府

皇清因之編戶十六里

南和縣

漢赤縣屬廣平國水經注云北有和城是也東漢爲和戎屬鉅鹿郡晉仍縣名屬廣平郡南北朝周置南和郡尋廢郡爲縣隋屬洛州尋改屬邢州又屬襄國郡唐仍縣名屬邢州鉅鹿郡宋改爲豐川屬邢州元改爲和陽縣屬順德路明改爲南和縣屬順德府

皇清因之編戶十七里

平鄉縣

周春秋時屬晉名南縣三家分晉隸於趙秦屬鉅鹿郡漢爲瘳陶縣屬鉅鹿郡東漢爲平鄉縣屬廣平國平鄉之名始此晉仍縣名屬鉅鹿國隋仍縣名屬邢州又屬襄國郡唐仍縣名屬邢州鉅鹿郡元仍縣名隸順德路明仍縣名屬順德府

皇清因之編戶十五里

廣宗縣

漢堂陽縣屬鉅鹿郡東漢分堂陽縣地爲廣宗縣仍屬鉅鹿郡三國魏仍名堂陽屬廣平郡晉仍名堂陽屬安平國南北朝後魏仍縣名屬清河郡隋改爲宗城縣屬清河郡唐仍縣名屬冀州州廢以縣屬貝州後復改爲廣宗縣屬魏州宋縣屬大名府金興復改爲宗城縣屬洛州元復爲廣宗縣後省入平鄉縣尋復置屬順德路明仍縣名屬順德府

皇清因之編戶十五里

鉅鹿縣

周屬邢國春秋衛侯燬滅邢地歸於衛戰國入於趙漢南縣屬鉅鹿郡晉省入任縣石勒復置南北朝後魏省入柏仁縣隋置鉅鹿縣屬趙州唐置起州州廢復屬趙州後改屬邢州五代沿之宋仍名鉅鹿屬信德府金仍名鉅鹿屬邢州元仍名鉅鹿屬順德路明仍名鉅鹿屬順德府

皇清因之編戶十七里

唐山縣

上古帝堯爲侯時受封之國商祖乙自耿徙於邢始屬邢周屬邢後屬衛春秋屬晉各柏人邑戰國三家分晉地乃屬趙秦滅趙置鉅鹿郡沿縣名屬鉅鹿郡漢仍縣名屬趙國南北朝後魏改柏人爲柏仁屬南趙郡隋仍縣名屬邢州唐改柏仁縣爲堯山縣仍屬邢州鉅鹿郡宋省入內丘尋復置金改堯山縣爲唐山縣屬邢州元仍縣名屬邢州路又省入內丘尋復置明仍縣名屬順德府

皇清因之編戶十二里

內丘縣

商邢地周邢國春秋屬衛後屬晉後屬趙秦置信都縣屬鉅鹿郡晉陞縣爲中丘郡石虎改爲趙安縣南北朝後魏省入柏仁縣尋復置隋改爲內丘縣屬趙州尋改屬邢州唐仍縣名屬邢州鉅鹿郡宋仍縣名屬信德府金仍縣名屬邢州元仍縣名屬順德路明仍縣名屬順德府

皇清因之編戶十七里

任縣

周春秋時晉國張縣地戰國入趙一名洛陽漢置任縣屬廣平國東漢仍縣名屬鉅鹿郡晉仍縣名屬廣平郡南北朝魏名任縣屬北廣平郡隋屬邢州唐屬邢州鉅鹿郡宋屬信德府金屬邢州元屬順德路明屬順德府

皇清因之編戶十五里

順德府疆域圖



順德府疆域考

通志府縣志合載

本府

按畿輔通志東至廣平府威縣界一百五十里西至山西遼州和順縣界一百五十里南至廣平府永年縣界五十里北至真定府柏鄉縣界一百里東南至廣平府西南至河南彰德府武安縣東北至真定府隆平縣

西北至真定府臨城縣東西廣三百二十里南北袤二百一十里邢臺縣附郭

按畿輔通志東至任縣界二十五里西至山西和順縣界一百五十里南至沙河縣界十七里

北至內丘縣界三十里按邢臺縣志東南至南和縣界二十二里東北至任縣界二十五里

西南至山西遼州界一百八十里西北至樂平縣界一百六十里東西廣一百九十五里南北袤五十五里由縣治北達

京師一千里沙河縣

按沙河縣志東至南和縣善下村界三十里西至邢臺縣臭水村界一百四十里南至臨洛鎮南中鋪界三十五里

北至府城九家鋪界三十五里東南至廣平府七十里

西南至河南彰德府武安縣九十里東北至任縣六十里

西北至山西遼州二百里東西廣一百四十里南北袤四十里有奇由縣治北至順德府三十五里又北達京師九百五十里南和縣

按南和縣志東至平鄉縣柴村界三十五里

西至邢臺縣大賢鋪界二十里

南至廣平府末年縣朱家莊北沙岡界二十里

沙岡道旁有井井以東北十六步為永年縣界井以西北六十步亦為永年縣界

北至任縣台南村界二十三里

東南至

西南至沙河縣四十里

東北至鉅鹿縣九十里

西北至內丘縣九十里

東西廣五十五里南北袤四十三里由縣治西

至順德府四十里北達

京師九百五十里

平鄉縣

按畿輔通志東至廣平府威縣界六十里

西至南和縣界四十里

南至廣平府雞澤縣界十二里

北至鉅鹿縣界六十里

東西廣五十里南北袤四十三里由縣治西北

至順德府一百里北達

京師一千里

廣宗縣

按廣宗縣志東至廣平府威縣界二十五里

西至平鄉縣界五里

南至山東丘縣界五十里

北至鉅鹿縣界四十里

東南至廣平府威縣界二十五里

西南至廣平府曲周縣界二十五里

東北至廣平府威縣界五十里

西北至鉅鹿縣二十里

東西廣二十里南北袤九十里由縣治西至順

德府一百二十里北至

京師一千里

鉅鹿縣

按畿輔通志東至廣宗縣界二十里

西至任縣界二十里

南至平鄉縣界十八里

北至真定府寧晉縣界五十里

按鉅鹿縣志東南至廣宗縣三十五里

西南至南和縣九十里

東北至真定府南宮縣六十里

西北至真定府隆平縣六十里

東西廣六十里南北袤六十五里由縣治西南

至順德府一百二十里北至

京師九百五十里

唐山縣

按唐山縣志東至真定府隆平縣界十里

南至任縣界二十五里

西至內丘縣界二十里

北至真定府柏鄉縣界十八里

東南至真定府隆平縣界二十里

西南至內丘縣界三十八里

東北至隆平縣界十四里

西北至臨城縣界十八里

東西廣五十里南北袤八十里由縣治西南至

順德府八十五里北達

京師八百五十里

內丘縣

按畿輔通志東至唐山縣界十五里

西至山西樂平縣界二十里

南至邢臺縣界十五里

北至真定府臨城縣界二十里

東西廣一百六十里南北袤六十里由縣治南

至順德府五十里北達

京師九百五十里

任縣

按任縣志東至鉅鹿縣界四十里

西至邢臺縣界十里

南至南和縣界五里

北至唐山縣界二十五里

東南至平鄉縣五十里

西北至內丘縣六十里

東北至隆平縣六十里

西南至沙河縣六十里

東西廣六十五里南北袤三十里由縣治西南

至順德府四十里東西達

京師八百七十里

形勝附

本府

後趙右侯張寶云依山憑險形勝之國

郡志西倚太行東跨漳水洺河經其南層岡鎮於北為四方八達通會

王祖源記廣衍平曠爲百戰之場太行蜿蜒適居斷麓可據可守

邢臺縣附郭

沙河縣 鳳山雄峙於北狼溝環繞於東

南和縣 東連鉅鹿西枕龍岡

平鄉縣 落漠流歸於陸澤濁漳源本乎鳩山

廣宗縣 東南有洛水西北是漳河

鉅鹿縣 廣阿紀神禹疏水之功棘園畱項王

陳師之蹟

唐山縣 北擁堯山南襟泚水東臨漳滏西阻

太行

內丘縣 鵠首高而諸峰羅列龍騰閣而九水

合流

任縣 西望而太行聳翠東瞻則陸澤瀟瀟

順德府星野考

分野

郡志順德府禹貢冀州之城星分昴宿自胃四度至畢六度

按邢臺縣志順德趙地漢元帝二年五月客星

見昴占天下有妄言者鉅鹿都尉謝君男詐爲

神人論死晉成帝元和七年十一月熒惑守胃

昴八年七月熒惑入昴占曰趙有兵不安是年

石勒死國亂則順德爲昴宿顯驗不爽

順德府山川考

本府 邢臺縣附郭

仙翁山 縣西北三十里唐仙張果嘗息其上

唐元宗因封山曰仙翁

雷公山 縣西北四十里

馬鞍山 縣西南十里以形類馬鞍故名山腰

有洞可容千餘人兵戍防秋常屯於此爲邢重

地

百花山 在縣西南四十里

石婆山 縣黃寺前兵憲陳大賓建洞其上名

曰碧雲按邢臺縣志名龍山

三尖五平山 縣西北按畿輔通志名鼎梅山

紫金山 縣西元劉秉忠張文謙嘗讀書於此

夷儀山 縣西一百五十里道通襄國春秋遷

邢於夷儀卽此

石梯山 縣西五十里其路陡如梯故名

百巖山 縣西北一百里其山峻極多巖

石門山 縣西南九十里石勒遣李龍據二門

卽此

天紅山 縣西一百三十里石色多紅故名

老翁山 縣西南百里一峯聳絕狀如老人云

子母山 縣西百里狀如婦抱小兒者又名孩

兒山

八盤山 縣西北一百四十里自麓至巔旋繞

八級故名

夫子巖 縣西北一百三十里可避風雨相傳

孔子周流至此故名

貨郎神 縣西南一百三十里得名無考有兵

防口

莊兒角 縣西南一百二十里有兵防口

馬嶺 縣西北一百六十里內居民千家山勢

頗險道路崎嶇中有平坦處約容三五百人有

澗溝深二十餘丈名曰鬼谷溝此卽龐涓夜渡

處有兵防口

黃榆嶺 縣西南一百八十里石徑盤旋形險

道衝山西人畜往來有兵防口

清風嶺 縣西南一百八十里山勢高聳盛夏

無暑氣澗水通流有兵防口

支鍋山 縣西一百八十里山形三嶺並起如

支鍋之狀故名有兵防口

露羅嶺 縣西一百八十里得名無考有兵防

口

腰水寨 縣西南一百三十里上高峻平闊止

一徑可通山腰有水故名

香爐寨 縣西一百里山勢峻絕一徑可通狀

如香爐按此二寨皆昔人避兵之處

鹿城岡 縣西北三十里

龍岡 縣西北七里一名石井岡

石佛仙翁二洞 俱在縣西北內有石人肖佛

仙云

封山 在府西二十里

孤山 在府西三十里

清坡山 在府西五十里

牛洞山 在府西五十五里

老薛山 在府西與牛洞山接逼志作老雪山

龍尾山 在府西六十里

薛村山 在府西七十里

翠陽山 在府西八十里

牛心山 離翠陽山十里

巨山 在府西一百里

婆娑山 在府西一百五十里山腰有水如線

人聽之乍鳴乍寂逼志作嵒嵒山

米花山 在雷公山西二十里

凌霄山 在米花山西十里縣志作陵霄山又謂徑路崎嶇山上寬平

溫居山 在米花山西北四十里

溥沱山 在府西南七十五里

栲栳紅山 在府西南七十五里旋繞難登俗名小西天建有碧霞元君祠歲三月香火之盛如泰山

風門山 在府西南四十里冬夏多風故名

龍門山 在府西南六十五里

水門山 與龍門山相近

又百花山 由紫金山又東有山亦名百花山石色青白有類於花

關門山 在府西南六十五里

黃谷巖 在府西七十里

中巖 接黃谷巖

秦王嶺 在府西北一百四十里

焦山嶺 在府西南七十里

廣陽洞 在府西一百二十五里世傳有仙居

此崖上石隙中有水映日光如蜂飛如絲垂崖下有方井井有小泉不涸崖西山乳形如傘蓋雲羅可以坐臥舊名慌慌洞

五馬寨 在府西一百里外

鐵筆寨 接五馬寨

陽臺寨 在府西七十里薛村山

馬莊寨 距陽臺寨三里

西陽寨 在府西溫居山

韓信寨 在西陽寨南

方山寨 在府西南七十里

王保寨 在府西南接夷儀山

牛家峪 在府西南六十里

五塔腦 自清城山又五里為五塔腦

牛心腦 馬嶺口南為牛心腦

令公腦 自石佛仙翁二洞又東為方山寨焦山嶺關門山令公腦世傳楊業屯兵於此在縣西南六十五里

桃樹坪 與支鍋石相聯

西坡 在凌霄山下

玉霞川 縣西二百里時有霞色赤白相間瑩若玉霞然

七里河 縣南一名洛河源出清風嶺下注百泉東至河會村入南和縣界

牛尾河 縣城東北二里又名響水河上通達活泉野狐二泉東南黑龍潭等閘水下流亦可入河共注於大陸澤嘉靖三十七年知縣何岑奉府檄取九縣人夫與工挑濬自響橋抵蓮花

泊河寬五丈深三丈可通舟楫往來又建石閘九座由蓮花泊通穆家口達臨清等處年久為山水淤沒淺狹非昔

百泉 縣東南八里自平地湧出泉脈甚多下流灌田數百餘頃蓋澧水上源云一名澗水又名澆水又名鴛鴦水

珍珠泉 與百泉連水湧出如珠然

達活泉 縣西七里郡守劉應節疏通為閘以時蓄洩水利自茲大泉深丈許淳湫漫流源遠而水緩色青而流長周圍百步騰沸不竭

野狐泉 縣西北十里下流與達活泉合二水相交故名又曰鴛水出營頭村石崖下蓋玉泉伏而再見者下流與達活泉合時有時無出隱不定

玉泉 馬鞍山下水湧出若玉明兵備陳大賓疏治為池建亭其上

馬跑泉 縣西百里相傳穆將軍與吳兵交戰人馬俱渴馬跑之得水故名

黑龍潭 縣東南九里深不可測相傳有黑龍潛焉遇旱禱雨輒應

文淵井 在府學內

聖井 仙翁山下俗傳果老指此為井掘之得水

太嘗井 縣西三十五里世傳趙襄子為太子時嘗獵於此人馬俱渴之水因禱於天以矢卜之遂得其泉深三十丈襄子嘗之故名

聖水盆 仙翁山水無源取之不涸停之不溢

故名

金泉 在府西四十里馬鞍山南此下水府志皆不載

野河 在府西北五十八里分合七十二道漢書邢國西山渠水所出東北至任又有夢水焉

水皆東至朝平入於陸澤今皆無考疑卽野河焉

白馬河 在府北二十里上源百里外自凌霄山水及與各泉會潺湲有聲至青山潛行於地

每遇山水暴發衝沒民田又時風起沙壅如山如陵近河田率不可耕大爲邢害

寶王澗 府西南八十里昔人屯兵之處

鬼谷溝 府西北一百六十里馬嶺山下

小石莊古井 在縣城西

水利附

珍珠隄 自百泉起至樓下村止嘉靖四十年

知府劉應節創開

流珠隄 自前樓下村起至後樓下村止萬曆

間同知劉應科知縣朱誥俱創開

小龍泉堰 萬曆間知縣朱誥建開

河曲閘 自祝村起至任縣十里止嘉靖間知

府劉應節知縣何岑建今廢

祝村閘 自小呂閘起至河曲閘止嘉靖間知

府劉應節知縣何岑建

先子閘 自高莊起至任縣鐵爐村止嘉靖四

十一年知府劉應節創開

末立閘 自東汪村起至河曲村止隆慶元年

知府費堯年創開萬曆年間知縣郝持朱誥相

繼重修

張村閘 自吳家莊起至祝村止隆慶二年知

府鄧楚望創開今廢

武家莊閘 引狗頭泉水分立東西二渠東自

小汪村起至大賢閘止西自黃家屯起至張村

閘止東自小汪村起至雙路村止西自黃家屯

起至竹村閘止隆慶四年知縣耿鳴世開建

百泉閘 自樓下村起至沙河縣徐王村止知

府劉應節創開隆慶四年知縣耿鳴世重修

翟村閘 自翟村起至界家屯止嘉靖間知府

劉應節知縣何岑開創

吳家莊閘 自張村起至小呂村止萬曆八年

知府楊邦憲開建遂廢

北關閘 自白塔村起至王家莊止萬曆九年

知府王守誠創建又建水磨於此故又名水磨

閘

大賢閘 自景家屯起至小戶村止萬曆十年

知府王守誠開修自大賢鋪起至河曲村止萬

曆間知府張延庭知縣朱誥開修

盛流閘 自樓下村西由聚羣地萬曆十五年

知府張延庭通判陳九功建

永澤閘 自河會村起至河曲村止萬曆十八

年知府張延庭知縣朱誥創開

黑龍潭閘 自小汪村起至石井村止萬曆間

知縣郝持朱誥相繼開修

明沙泉閘 自晉祠村起至朱家莊止萬曆間

知府王守誠創開知縣朱誥重修

晉祠閘 隆慶間知府費堯年創開萬曆間知

縣朱誥重修

關家灣閘 創於萬曆年間

薄濟閘 重建於崇禎七年

未濟閘 卽隆興閘創自嘉靖間知府劉應節

因水衝沒萬曆間改修興隆桶崇禎間改名未

濟渠闊一丈長十里

龍興閘 創於天啓年間因康熙七年山水衝

毀重建於康熙八年改名重興閘自河會村起

至南和縣井家莊止渠寬一丈長七里

廣闊閘 創於萬曆年間因康熙七年山水衝

毀八年重建自河會村起至南和縣南豆村止

渠寬一丈長三里

小汪閘 嘉靖間知府劉應節知縣何岑創開

欽定古今圖書集成方輿彙編職方典

第一百十卷目錄

順德府部彙考二

順德府山川考下

順德府城池考

職方典第一百十卷

順德府部彙考二

順德府山川考下

沙河縣

廣陽山 縣西七十里盤礴高聳而旁諸峰拱

列邑西之勝也

赫山 縣西八十里下有龍潭查不可測其前

有龍神祠

湯山 縣西北九十里下有湯泉可浴洗巖上

有石室絕無塵穢土人號爲聖人室

鳳凰山 縣西四十里按縣志雲霧視之若鳳

凰狀

黑山 縣西北四十里以色得名

禾山 縣西三十里

白龍山 縣西三十里

王母山 縣西五十里按縣志因王母曾到此

故名
磬口山 縣西南百里卽漢魏時舊鐵冶地

黃背巖 縣西南一百九十里山勢崇高中有

水泉南一山五峰列峙又曰五指山北一山平

頂曰和尚腦有兵防口

數道巖 縣西南一百八十里澗溝之路旋繞

數層故名有兵防口

聖水岡 在縣明德鄉恭陽鎮相傳舊有聖井

深丈餘泉水甘冽飲之可以愈疾

龜山 縣西四十里頂伸四足列有首尾似龜

形故名

小倉門山 在縣西一百里

大倉門山 在縣西一百二十里唐人會儲糧

於此

五指山 在縣西一百四十里遠望山巔儼若

五指排列

狼牙山 在縣西四十五里

七鴛山 在縣西一百二十里

馬鞍山 在縣西九十里

鷄冠山 在縣西九十里

和尚山 在縣西一百三十里

藥山頭 在縣西北一百里秦王曾阻水於此

十八盤山 在縣西一百四十里俗呼爲小西

天自麓至巔盤繞十八曲

五明山 在縣西南一百八十里上有元帝廟

新建又名爲北武當山

大伏巖 在縣西一百五十里山腰中佛殿一

座巖石復蓋之風雨不侵三面阻山前一崎路

曰摘星樓

滴水巖 在縣西百里卽石盆村石泉自絕壁

而下滴石盆中山巖前覆人居其下四時汲水

不竭

捨身巖 縣西一百八十里在山石溝徑約尺

許故名

落絲巖 縣西九十里

西頂 卽小西天一名屹老嶺壁立千仞上有

聖母廟

大嶺 縣西一百四十里內有關

戴家寨 縣西一百里高峻上平原廣闊中一

池雖旱不竭只一徑塞之人不能入昔人避兵

多集此有遺址在

腰水寨 縣西北一百二十里最高峻山腰有

水按府志及畿輔通志皆以此載入邢臺

梅龜寨 縣西九十里形如龜

秦王寨 縣西北九十里

牛口峪 縣西北一百六十里有石牛上流水

至此入地

夫子巖 縣西一百五十里按夫子巖已見邢

臺縣又見沙河縣其所載古蹟亦微有不同或

另一巖而亦夫子所至處未可知今並存之

老君洞 在縣西山高百丈許

插旗腦 縣西七十里山上有插旗舊跡

令公洞 縣西南八十里

千佛洞 縣西七十里

沙河 縣南發源遼陽水按圖考遼陽山
西遼州之南也又按縣志沙河發源遼州遇雨
連綿水勢泛漲行客阻隔自南沙隄鋪至南岸
十里沙灘湍汙無定難用舟楫萬曆年大水泛
濫沙隄河心二鋪俱冲毀無存盡屬沙河至順
治年間奉

旨獨除其糧

新沙河 縣西三十五里有小屯

漆泉 在廣陽山上有寺以泉得名按縣志縣

西八十里寺左有井水甘色黑如漆故名

九家泉 縣北十五里九家村東南平地發源

下流溉田按縣志名洛河泉下流灌田入浪溝

河

蓮花池 縣南十里普通店西北方圓十里每

夏花開往來遊賞甚衆今廢

溫泉 在湯山下延柔畝餘池深丈許四時水

熱如沸疥癬諸疾浴之立效

九龍潭 在赫山山極巔處水溝如龍口遇旱

祈雨輒應

浪溝河 縣東北十五里發源邢臺縣廠里村

下流經北組南組六房等村灌田數十頃餘

普通河 縣南十里鋪村河分流

普潤閘 在縣舊名均勾閘前知府劉應節開

未就萬曆九年沙河南和二縣民生修知府王

守誠委任縣典史王賀查議興建渠引自泉河

水澆善下左村田四十餘頃

南和縣

鐵牛山 縣東北二里
筆架山 在城南三峰列峙形如筆牀正對
文廟

澧水 縣西十里水自百泉經流沙河入縣北

大陸澤按縣志澧水發源自邢臺縣東南八里

百泉村泉自平地湧出以百名志多也流經沙

河入南和境內達至任縣東明臺匯於大陸澤

又合鷄爪河逢陽河通舟楫以達

京師元郭守敬嘗議澧河失其故道沒民田千餘

頃後開以灌田土人利之

狼溝河 縣南四里溝水深廣兩岸多狼故名

鴛鴦泉 縣西八里張相村南地中並湧二泉

積水成池民引灌田以泉並出故名按縣志今

廢

沙河 舊志在城東二十里

洛河 一名落莫河自臨洛聰山發源由末年

雞澤至本縣東三十里善友橋遙遷以北張村

湖田村侯郭村泥井兒至大陸澤與澧水澧水

狼溝水合所謂水一石得泥八斗者最宜麥頗

稱膏腴之地

乾河 在城東南自沙河起經流南和任縣入

大陸澤逢秋則水至三時皆涸故以乾名

龍窩池 在鴛鴦泉東方圓約四五頃水深浪

湧雖天霽晴明池面雲霧依然世傳龍窟於此

曾有見因風雨而龍起者故名之今廢

清泉 在城東段里村一里許有泉湛然岸多
蘆荻後建寺於泉側因名清泉寺今泉廢寺後

舊溪猶存

東龍池 在文昌祠前

西鳳池 在宋文貞祠前

鳳池 在城東北二十餘里鳳池村舊志云北

有鳳池之清景因其地址故名今廢

白龍潭 在段村西四里俗名山兒空沙水澄

清鬚眉可鑑每當雷雨怒濤若神龍鼓鬣其中

天早取水有禱輒應

秋水潭 在城東七里閭里村後一里水深不

測漁人網集明月澄碧人在鏡中

白鷺潭 在徐家莊南一里許廣十畝餘傍乾

河水勢湍洄岸多柳時有白鷺棲於灘上遂以

名潭捕魚者每得古器斑色嶙峋似商周間法

物

響水潭 在城東七里大郝村狼溝河水衝決

為潭自潭渡之而北遂成狼溝之一支水從潭

出奔響如雷夜靜聲聞數里每秋水漲守土者

常堵築之

大賢閘 坐邢臺縣境大賢鋪前自南豆村起

經北豆村康家莊南北李兒莊康惠屯東西賈

郭韓屯至郝村止下流磨河溝澆田六十四頃

孔村閘 坐城西自岡頭村起經本村臺上范

家莊王家莊至鞏家莊止下流澧河澆田四十

四頃

河頭郭閘 坐城西自本村起經馬莊西韓東

韓新寨猪窩至李趙村止下流澧河澆田四十

頃

張家三間 坐城北自本村起經邵寧屯小寺村南師家莊康家莊至武家莊止下流澧河澆田五十五頃

濟民開 坐城西北自侯家莊起經李家莊營兒里大忽塔東韓岳村薛家屯北師家莊至小林村止下流澧河澆田五十頃

賈宋開 坐城北自本村起經李兒莊王家莊北師家莊駝木白佛店至杜科村止下流澧河澆田五十二頃以上六開俱百泉水元至

正間知縣尹泰所濬明洪武間知縣楊得安重濬永樂間縣丞黃世通築隄景泰間典史李信始教插稻弘治間知縣門寧陳世良朱銳俱濬

正德間知縣劉璋復因故道增修枝分派別達四境焉

興龍開 坐邢臺縣境大賢鋪前自李兒莊起經樊家屯康家屯至小戶村止下流土橋河澆田五頃五十畝

末賴開 坐沙河縣境徐王村自張相村起經西里村劉義屯至磚瓦固村止下流狼溝河澆田五頃餘

惠民開 坐城西北自河頭郭起經馬莊西北二關沙道村南北二李趙范家莊大郝村至侯村止下流澧河澆田二十一頃

邵家開 坐城北自李家莊起經邵寧屯至武家莊止下流澧河澆田四十頃五十畝

賈宋新開 坐城北自本村起經楊家莊止下流魏家溝澆田四頃以上五開俱百泉水嘉

靖三十九年知府劉應節創開
潤澤開 坐城西北自井家屯起經小戶村楊家薛家二屯至侯家屯止下流土橋河澆田一頃餘

博濟開 坐城西沙河縣境自徐王村起經西里村至劉義屯止下流狼溝河澆田一頃餘以上二開俱百泉水萬曆七年知縣郎天秩修建

末潤開 萬曆十年知府王守誠創建引百泉水自濟民開起經路家莊止下流澧河澆田五百餘畝

仙井 在城西北隅臺上有井其泉清冽水與地平深不可測

平鄉縣 無山

落漠河 縣西南十八里古薄津也本洛河分派與南和滏陽河合流入大陸澤

濁漳河 縣西南十里一名柳河古漳水也發源山西潞州發鳩山下流南和按縣志漳水二一出上黨長子縣發鳩山即濁漳也宋王公所謂漳水一石其泥數斗是也一出上黨沾縣大

屯谷名清漳東至涉縣三漳合流所謂交漳口也鄭道元謂之衡水又謂衡漳經沙丘臺東北流入海又按漳水由今縣城東南十五里西位村入我境至東北四十餘里馬魯村入鉅鹿境所謂舊漳河也今無水

廣宗縣 無山

洛河 縣東南十五里源出山西遼州太行山

經流廣宗境內

老漳河 縣西北十五里馬鹿村今湮塞

小漳河 縣西五里莊今湮塞

洗馬潭 縣北八里

潘井 縣東一里

鉅鹿縣 無山

廣阿澤 縣北五里又名大陸鉅鹿大麓也

鹹泉 輿地志謂可煮鹽城外一里有甘泉

唐山縣

干言山 縣西北四里衛詩云出宿於干飲餞于言即此按隋志邢州內丘縣有干言山是兩山矣今載於唐山復合為一當以此為是

堯山 縣西北八里相傳堯始封於此故上有堯祠一名宜霧山一名虛無山按縣志以堯山與宜霧山分而為二謂宜霧山與堯山東麓接

唐會昌三年王元達征劉頑拔宜霧柵又山海經云邢有灌潞即此地

臥牛山 縣北十四里按縣志形如臥牛故名

茅山 縣北十五里按縣志作鹿山

夫子山 縣北十里按縣志作孔岡

泚水 縣西二里經臨城入唐山境內即韓信背水勝趙之處按縣志俗名沙河舊在縣西一里許南流折而東入漳順治五年戊子泛漲水

自城而東南北寬五里許平地水深丈餘成河城池俱壞康熙七年戊申又自城北五里而東入白家橋

馬河 在縣西南十里勢小於泚水而洄溢靡

常亦東入於漳昔人見白馬東行次日水潦隨馬蹄奔流而下遂成河故名

柳林河 在縣西南三十里自邢村南衛東流入漳

內丘縣

蓬鵠山 縣西南六十里峰巒聳偉高二三百餘丈相傳扁鵲昔封於此下有鵲王廟按縣志蓬鵠分爲二山蓬山者卽山海經所謂西北有蓬山山形如蓬故名在城西十五里許史記趙簡子卽中丘之蓬山賜扁鵲田四萬畝鵠山在縣城西六十里山頸有白石形如鵲故名東西高竦爲鵲頭西背低平爲鵲尾昔有駐兵其巔者敵仰攻不克潛覓其尾遂破之

龍騰山 與鵠山並峙相傳扁鵲與號太子遊之處山有太子巖龍母泉白雲洞

且停山 縣西四十里昔號太子飲馬於此下有馬跑泉

青山 縣西南二十里舊名黑山後周改今名漢褚燕據黑山城爲帥卽此山也

簾山 縣西北十二里礪水之源出於山陰孤山 縣西十七里其形孤峙故名按縣志孤山又名憂心山分三枝號太子思親處故名憂心山又按畿輔通志無孤山而有思親山下云在且停山東距縣十七里而府志縣志又別無思親山之名意思親山卽指孤山而言之也孤山三枝左枝卽簾山也餘二枝見下

天臺山 縣西六十五里東連黑壁上有九仙洞

上凌霄山 縣西七十五里其峰峭拔插空故名上有寺

百花巖 縣西南六十五里花木繁陰可愛故名

夷儀嶺 縣西十三里南有夷儀城故名

錦繡堂 縣西一百六十里巖石五色形類龜坼故名有兵防口

鶴度嶺 縣西一百七十里峰高惟鶴可度故名有兵防口

永固岡 縣西十里出白土其賦如粉

邵明岡 縣北十五里岡出青石可施錐鑿

老人峰 縣西一百七十里山峰突起如人立然故名

虎頭山 在鵠山東

石河山 卽孤山右枝由郊臺而東者也按縣志作石河岡

雙峰山 卽孤山中枝由響岡而東南者也

白銀山 在縣西六十里鵠山南上出雲母遙望如銀

黑壁山 在天臺山下其色多黑故名其麓有興化寺嵐光樹色掩映梵宇亦鬱然一佳境也

夾耳山 在鵠山西如人耳相夾故名

石梯山 縣西北五十里山東有風磨蒼勢亦巉巖

十八盤山 縣西七十里山之盤道十八故名

洞

上凌霄山 縣西七十五里其峰峭拔插空故名上有寺

百花巖 縣西南六十五里花木繁陰可愛故名

夷儀嶺 縣西十三里南有夷儀城故名

錦繡堂 縣西一百六十里巖石五色形類龜坼故名有兵防口

鶴度嶺 縣西一百七十里峰高惟鶴可度故名有兵防口

永固岡 縣西十里出白土其賦如粉

邵明岡 縣北十五里岡出青石可施錐鑿

老人峰 縣西一百七十里山峰突起如人立然故名

虎頭山 在鵠山東

石河山 卽孤山右枝由郊臺而東者也按縣志作石河岡

雙峰山 卽孤山中枝由響岡而東南者也

白銀山 在縣西六十里鵠山南上出雲母遙望如銀

黑壁山 在天臺山下其色多黑故名其麓有興化寺嵐光樹色掩映梵宇亦鬱然一佳境也

夾耳山 在鵠山西如人耳相夾故名

石梯山 縣西北五十里山東有風磨蒼勢亦巉巖

十八盤山 縣西七十里山之盤道十八故名

喇崖 去縣一百七十里在那臺縣馬嶺之北

白雲洞 在鵠山時多白雲

九仙洞 在天臺山半巖俯臨澗壑下窺無際

觀音洞 在白銀山北

朝陽洞 在山深處俗呼爲片風密

喬家洞 在太子巖東危險難度

漫天嶺 在鶴度嶺北

麥穗嶺 在漫天嶺北

龍駒嶺 在縣西北五十里昔有龍駒出山窟故名

夜歇嶺 在縣西六十里

乜鬚嶺 在縣西北九十里

馬峰岡 在孤山東由北苔而東爲簾山爲馬峰岡

峰岡

臥龍岡 接馬峰岡

橫岡 臥龍岡南

仙人岡 在孤山東與石河岡連

娘子岡 在仙人岡南

響岡 與孤山正對

程子岡 縣西南二十里程子華家於此後因以名

愛子巖 在縣西一百七十里由將軍寨稍北與老人峰連

聖佛巖 在縣西南

將軍寨 在縣西一百七十里喇崖下舊傳鉛礦出此今不識其處

周王寨 在縣西南六十五里

寒山腦 在太子巖前

杏峪 在鶴度嶺北與寒山腦接雲凸 在鶴度嶺北與漫天嶺接

白草坪 在贊皇縣婆婆巷東

胡姑腦 由麥穗嶺東南為胡姑腦

龜肚坡 在鶴山東

沙河 出自蓬山東流八十里入沘河

沘水河 縣北尹村東流過唐山入漳按縣志

韓信背水破趙兵處山海經注云沘水敦與之

陰經中丘東流發源自鶴山西南胡姑腦由煙

南漳磨北至石關會臨城西北諸水東下經塞

底至臨城縣南又會西北諸水合流至尹村勢

欲滔天抵唐山縣西門轉而東轉而南東流入

於漳此即鶴山第一川也

礪水 縣西北十五里其水可礪刀劍按縣志

礪水一名渚水出箕山之陰

張耳溝 縣西二十里

程家灣 縣西南三十五里

洗賜泉 縣西十三里

七里河 城南七里發源自西丘村程村田間

溝澮之水由未安魯亭經河村而東至畱孫村

黃金村散於田

小馬河 城南十里發源自龍騰山下東流至

九里岡會任莊和莊之水經柳林郊臺為馬河

疑即唐山縣馬河上流也

西龐河 在縣南二十里西龐村由馬河轉而

南合靳郎之南河為西龐河

東龐河 在縣南二十里東龐村折而東為東

龐河至張沱分為二其東下者為小馬河經小馬村其決而南者傍鐵頂墓抵壘東合流至夏侯村散於田

李陽河 城北五里發源自且停山之東有二

焉一自揚武川北谷而來一自石河西丘而來

會於城西一里許轉而北折而東過女兒橋至

唐山之西周東梁二村散於田

鶴山第二川 發源自婆婆巷東由白草坪漫

天嶺至馮溝雲凸白塔而南至侯家莊

鶴山第三川 發源自婆婆巷西天井杏峪錦

繡堂老人峰至喇崖會西來馬嶺水東至侯家

莊合流經邢臺之北店宋家莊出龍門東南入

青山村又東為邢臺之荆村河

九龍河 在鶴王廟前西山一派九水合流於

此故名按一統志內丘西有龍騰水其源出自

龍騰山

揚武川 在縣西二十里張耳練兵處稍西為

張耳溝

任縣

龍岡 縣南東西長二十里相傳臺南堡為龍

頭云按此與邢臺縣龍岡蓋異地而同名者也

嶺南岡 縣北二十里

沙岡 縣東北二里許

澧河 縣東十五里上接南和下達隆平按縣

志在縣東二十里發源自府西露羅諸山其源

有二一自豬莊之北川來者曰烏梅河一自溫

泉之南川來者乃洪河分流也直至南和縣東

北十五里至大趙又十七里至郝橋河岸低薄常汜濫決口郝橋北五里入本縣地至圪塔臺前西合百泉入雞爪河

蔡水 自邢臺達活經流縣前入澧河按府志

只有蔡水縣志只有蔡河似一水而源流各異

非一水也故今載蔡水後仍載蔡河

聖水井 縣西北十五里遇旱禱雨輒應按縣

志聖水井河發源本縣西北界井泉從地湧出

成河其南有蔡河合入至北張村東北至南有

馬河合入至東馬橋東下六里許合入達活河

大陸澤 縣東北十里淳泓百頃一洲中峙俗

名小東湖又名張家泊按縣志諸河之水皆匯

於此萬曆間漳水一支由廣平曲周泛入改名

漳家泊

達活泉 舊名蓼水發源自府西北達活泉泉

南一泉曰紫金泉從南入郡濠即牛尾河也泉

北一泉曰野湖泉三水匯流總名曰達活舊與

牛尾同入故亦名牛尾今北徙經邢之李道村

東北入本縣地至趙五家圪塔臺南有順水合

入至薄村方自西有蔡馬聖水河合入至圪塔

臺南合百泉河

百泉河 一名渦水發源府東南葫蘆套黑龍

潭多泉湧流直至南和縣賈宋村東入本縣地

至王村方西有牛尾等河合入至圪塔臺入雞

爪河東南有澧河殷陳溝合入至邢家灣合入

滏陽河

沙河 在縣東北二十五里發源邢西栲栳洪

山曰洪河下合沙河縣西北之溫泉至雞澤澤屠店東北與洛水合流下爲沙洛河經南和縣之北高村迤西入本縣地至石家溝

洛河 在縣東二十五里發源太行山自臨洛關至雞澤縣浮屠店東北與沙河合流下爲沙洛河經南和縣之北高村迤西入本縣地至石家溝入滏陽河

滏陽河 在縣東二十里一名濁漳發源河南彰德府之磁州至平鄉中義漳橋入本縣地統泄大陸澤諸河之水經隆平東直北下達天津入海今水勢變遷沙土淤高水反內溢

蔡河 在縣北十里發源府北梁原店之西山經邢臺縣之時村村後又有泉水合入二里許至本縣地一南向環城濠一北向東折穿城出北門合濠水東流入聖水河

馬河 在縣北二十里發源邢之西山馬嶺川至北蓋宗入本縣地舊由橋頭尹家莊吳鐵家莊馮村北留寨入泊因故道迷失日久今隨水勢自北張東北引合聖水河

低河 在縣東北三十里源出自臨城縣西山舊由神槐樹經唐山隆平東北下至寧晉縣入滏陽河今自唐山縣南向大市口賈村魏家莊大莊頭入本縣地由張村王村入泊

涕河 在縣東北源出常山房子縣贊皇山舊直北合低河今由唐山之千言屯至牛村入本縣地經薄村東南合於馬河
牛家口河 漳水支河也自曲周縣經平鄉中

義漳入本縣地南新莊至邢家灣合於滏陽河程寨河 沙河支流也一名新沙河起自沙河縣南經雞澤縣之柳下村有柳下泊之水合入至南和縣同家莊侯過村徐家莊郝橋村四處俱有溝溝悉引澧水俱合入新沙河由郝橋村六里入本縣地三里至程二寨轉西二里至駱莊折北四里至達家莊五里至東盟臺入泊河以程寨名者志害也

劉累河 滏陽支流也一名小漳河起於廣平府西南閻村開末年縣西鄉胡賈等村引水泛濫環府北隄外東下由南和縣之北高村入本縣地二里至雙峯頭三里至劉累村四里至甄方莊西入沙洛河地勢窪下受害獨多故河名劉累

牛尾河 在縣西南發源府西北之紫金泉流環郡城至北門之東而東北下自高莊橋經邢臺之張村蕭五家橋河渠等處至李道村東南入本縣地河頭村至大朱村合入順水河

順水河 在縣西百泉河北交流乃邢臺之東汪大賢廣潤博濟永澤重興等十八閘之潰水經石井賈郭等處至南和之賈宋村東入本縣地其北又自邢臺之牛尾河分水經縣南至大宋村二水合流至趙五家圪塔臺合入達活河

殷陳溝河 百泉河南支流也上流有二一係南和之賈宋邵寧屯兩閘七桶之潰水十五里入本縣地白佛店經杜科單家莊邵家莊一起本縣大宋村胡家開經胡家莊翟家莊陳家杜

科杜家莊至邵家莊後二水合流經駱莊方入臺南店東新建三橋下流而東北入澧河
雞爪河 在大陸澤東北爲諸河尾閘通滏河直北有溝名小雞爪亦可去水今滏水反內溢隨後隨淤

古滏河 在縣東北四十里穆家口村北昔時統泄諸河之水去五里許接隆平界崔家樓明嘉靖六年知縣李鏞合眞順兩府夫役浚之自穆家口至羊毛圪塔上下相距四十里深廣各丈許水順下流直抵天津入海不獨任地可耕而鉅鹿隆平盡爲膏壤碑記尚存至今淤爲平地水不能洩任之受害者凡三十七村而隆亦不無淹沒之患

黃家溝 在雞爪河南
楊家溝 在雞爪河南
張滋溝 在雞爪河北

石家渠 在縣東邢家灣按黃楊張滋等溝石家渠分洩衆水達滏河今滏水內淤淤不能疏求惠閘 在城東計八十七處俱舊渠本百泉河水接南和境由賈宋村起經大朱林郭村至甘寨村止澆田五十五頃下流入大陸

通順閘 在西關外
甘泉寨閘 在本村
河頭閘 在本村

護誠閘 在西雷村西南
永濟閘 在邊家莊明萬曆二十八年知縣徐璘建

璘建

天口關 在本村

田家莊關 在本村

吳家口關 在本村

鄧家口關 在本村

王家灣關 在本村

賈家關 在本村

邊家莊關 在本村

恆利關 在西畱村北

順德府城池考

本府 邢臺縣附郭

府城 舊圍九里三十步厚二丈相傳以為齊桓公所築事既久遠初無載籍可據及考之隋圖經謂石勒所築號建平大城豈春秋時齊桓公率曹衛所城而石勒增之是未可知矣沈存中又謂郭進守西山時所築厚六丈上可臥牛俗呼為臥牛城又傳城西南有拴牛石東北有牛尾河故名未知孰是隍深丈許闊五丈舊引達活泉水入城周流街市舊志城中有板石二橋此其徵也今水久不通橋亦湮廢無存城門舊止二重天順四年郡守濟寧楊浩各增甃城二重起層樓其上東曰朝陽西曰阜安南曰通遠北曰拱辰成化二十一年寶雞林恭復築牒四隅起樓并箭樓遷鋪東南北門外復築三石橋改題門東曰弘濟南曰來薰西曰挹秀北曰承恩嘉靖元年弘農王言重修三年通判袁容溶隍又深於昔植柳千株萬曆十年嵩縣王守

誠始易之以磚石石基高丈餘自基及牆共高三丈五尺厚五丈有奇闊十三里二十丈樓臺警鋪逐一改作視昔倍三之一也又於四隅四門共添馬道五改題南門曰率賓取合九省而北達京師之義東曰望齊以齊有城邢之功西曰歸安以邢西有夷儀之遷北曰駕水厥水在北因以為名溶隍視昔更深且闊仍於隄上築牆以防剪伐推官王宣化署府又樹柳凡數千株云

按邢臺縣志北門又曰國士衝豫讓橋因以為名隍藩後因連旱水涸隍內種禾漸以湮塞萬曆十八年知府張延庭知縣朱詰復加浚治水復盈隍周圍樹柳數千株而隄上廢牆復加築治以禁剪伐又巍然成勝榮矣

外州縣

沙河縣城 按畿輔通志始建無考先是嘗罹水患移城於山西小屯明弘治十八年還舊知縣張瑾重築城周圍五里二十步高三丈廣一丈有奇池深二丈闊如之

按沙河縣志崇禎十三年知縣崔鍾英節城五尺南北二門南曰詠薰北曰拱辰崇禎十三年知縣鍾英修南北門磚城九十二丈七尺隍深一丈有奇闊二丈順治十五年知縣馮源周圍培栽柳樹

南和縣城 按南和縣志舊土城方四里元至正年縣令尹泰修築明正統十四年知縣王淵建四門成化二十二年知縣尹禎重修開濬濬

甃創砌石橋弘治三年知縣門寧建城樓四座歲久傾圮正德九年知縣李希慶重修城高三丈池深闊各二丈有奇添設城樓角樓各四座嘉靖二十二年知縣屈作城梁口易以磚兵備道陳公明於基輿遂開正明門正對文廟崇禎十一年兵火之後灰烟一炬止甃東城樓一座崇禎十二年知縣謝繼遷修為磚城高三丈廣一丈池深二丈有奇闊如之

平鄉縣城 按畿輔通志即古南縣城也周圍三里二十三步高三丈廣二丈池深一丈闊二丈明知縣丘陵王溶郭惠馬思聰孔彥光何允升王應各增修

按平鄉縣志宋太祖建隆年因漳河決舊城壞至真宗大中祥符年徙置縣城即今縣治至明正統六年辛酉知縣丘陵修成化元年乙酉知縣王溶修正德五年知縣馬思聰改建六城門南曰來薰北曰拱極東南曰迎旭東北曰捧日西南曰寅錢西北曰眺霞萬曆十一年知縣王應修城修城門敵樓

廣宗縣城 按廣宗縣志縣城周四里九十八步崇二丈三尺闊二丈七尺上闊一丈二尺隍深丈餘闊二丈明正統四年知縣王義築成化元年知縣劉俊建四門上各置樓正德十五年知縣游仲重修隆慶四年知縣張民範增繕之高西門樓易土堞以磚萬曆二十二年知縣馬協培其傾圮益堞溶隍闊復馬道增建四門甃城甃以磚石捍以鐵門而層樓其上副使關西

王公學謨碑其事

鉅鹿縣城 按鉅鹿縣志舊城在今縣北十有一里唐端拱元年因漳水大患民無安居遂徙縣於東南隅即今邑地舊址尚存 城方七里十三步高三丈基闊三丈五尺上闊一丈二尺池附於城深一丈五尺闊二丈初開四門南迎薰北拱辰東通陽西安德嘉靖七年知縣張光祖重修聚奎門俗稱爲小東門通舊爲五今塞迤西對直學宮城上復建一樓名曰桂籍三十年知縣王宮增修女牆磚砌梁口凡七千六百二十八知縣孔學易增修戊樓萬曆五年知縣張東曉重修城牆萬曆十二年西門內知縣何文極重建磚屏週圍戊樓瞭墩巡鋪一十二座俱重修郭去城里許即禦漳水之隄也至崇禎十二年知縣孫接武通包爲磚城順治六年知縣劉洪進增修城門樓四座遠望巍然蓋城頭窩鋪百有餘所順治十七年知縣王籍創修西門外焰壁一座以固風氣

唐山縣城 按唐山縣志城周圍三里許池稱是前無所考惟金圍八里元至正間縣令齊光祖以紅巾亂民寡難守就東南隅城焉即今城也明成化中知縣祁司員葺之厚八尺高三丈餘後知縣貢珊和承芳各加修葺嘉靖間知縣張天祿始建南北城樓及四角樓制始完備至庚戌知縣冀國又增修之雖基域未拓而加高加廣甃內牆益重門增所未有屹然永賴矣萬曆壬午南城樓頽圯知縣李應奎重建丁未知

縣楊于國修葺崇禎六年知縣劉經理以正北門文星不耀改置乾向修北城樓崇禎七年知縣謝汝明修南城皆高舊樓一倍

皇清順治戊子泚水衝城康熙八九年間知縣孫繼修葺城之南隅接有附城廣如縣城之制而表倍之崇僅殺半闊立三門啓閉一如內城蓋嘉靖初知縣盛鼎所創建戊子泚河泛溢週圍垣牆十壞八九康熙十年知縣孫繼重修復立三門亦如舊制焉

內丘縣城 按內丘縣志據山海經史記縣之設蓋遠矣莫詳其始唐文宗太和九年河訖西北隅乃東遷焉今城之西垣即舊城之東垣也北城古跡猶存正德六年知縣王珣重修週圍四里三十步增副城圍七里嘉靖二十二年知縣杜聰重修高三丈根闊二丈頂闊八尺梁口一千一百七十弩臺十六門樓四崇禎八年流寇逼援知縣王世泰以守梁人寡併爲六百二十垛十年知縣張文昂濬池及泉門增三層東曰迎旭西曰固城南曰威遠北曰清嘯桴然峨然可恃以無恐十一年本縣知縣高翔漢增高濬深底巔徹七丈

任縣城 按任縣志舊係土城週圍五里五步高三丈基闊四丈上廣二丈池闊與高等深半之爲門三東曰鞏固西曰金湯北曰鎖鑰上建樓櫓門外皆設吊橋創自元至大間明景泰五年知縣劉譽成化中知縣熊崇德弘治中知縣韓濂俱重修嘉靖二十一年知縣曾守成更葺

之高廣倍昔建角樓四女牆易以磚萬曆元年知縣袁 闢南門四十四年本府通判署縣事凌子任謂不利於士子塞之崇禎十三年知縣盧時升以守禦難恃盡以磚築之建敵樓三炮臺二十四女牆七百六十四窩鋪稱是巍峨壯麗甲於諸邑

皇清順治四年知縣杜天成重修計三百八十丈一尺八年知縣趙祥星遍植榆柳於城河兩岸康熙七年水衝壞西城八十五丈八年知縣李芷重修

欽定古今圖書集成方輿彙編職方典
第一百十一卷目錄

順德府部彙考三
順德府關梁考
順德府封建考
順德府公署考



職方典第一百十一卷

順德府部彙考三

順德府關梁考 津渡附 通志府縣志合載

本府 邢臺縣附郭

夫子巖口 縣西北一百三十里即夫子周流

避風雨處也有兵防守又按縣志舊有墩臺石

牆今廢

貨郎神口 縣西南一百三十里得名無考有

兵防守按縣志舊有官廳營房軍兵防口今已

久廢

莊兒角口 縣西南一百二十里有兵防守以

上三口相連按縣志舊設邊牆水門鐵門箭樓

官廳營房民壯防守今廢

馬嶺關 縣西北一百六十里在馬嶺上內居

民千家山勢頗險道路崎嶇中有平坦處約容

三五百人內設邊牆二道東西二門南北敵樓

門外弔橋下有澗溝深二十餘丈官廳營房凡

七十二間南牛心腦北韓信寨二墩山勢輻輳

有兵防守至黃榆嶺三十里溝名鬼谷溝詳古
蹟考舊有營兵防守今廢

黃榆嶺關 縣西南一百八十里在黃榆嶺上

石徑盤旋形險道衝山西人畜往來邊牆一道

樓二座官廳營房五十間有兵防守至清風嶺

三十里按縣志舊有兵防守今廢

清風嶺關 縣西南一百八十里在清風嶺上

山勢高聳盛夏無暑氣邊牆敵樓水門各一澗

水通流其下有兵防守至支鍋石三十里按縣

志舊有兵防守久因築牆斷路不通人行遂廢

支鍋石口 縣西一百八十里在支鍋石有兵

防守至露羅嶺三十里按縣志舊有邊牆鐵門

箭樓官廳營房民壯防守今廢

露羅嶺關 縣西一百八十里在露羅嶺上有

兵防守西南至夫子巖莊兒角貨郎神約三十

里按縣志舊有牆有官廳有營房有兵守今廢

順城橋 城西南

義濟橋 縣西四十里

鴛水橋 城北四里二水相交故名舊名廣濟

又名豫讓正德時重修

牛頭橋 城西南在拴牛石南俗呼城爲臥牛

故呼橋爲牛頭云

高莊橋 城東三里今重修

先子橋 城東七里

孔村橋二座 城西八里俱重修

小汪橋 城西北三里

黃寺橋 城西北四十里

樓下橋 城東南十里
北關橋 關內

沙河縣

黃背巖關 縣西南一百九十里山勢崇高中

有水泉有兵防守南至數道巖三十五里

數道巖關 縣西南一百八十里亦有兵防守

處

大嶺口 縣西一百四十里山有邊牆昔兵防

守今廢

石橋三座 一在格連店一在新城一在上莊

村

南和縣

板橋 城北五里東韓村按縣志引澧水爲河

隋開皇中建石橋後廢易以板正統十六年重

修石橋

通津橋 澧水神祠樂歲亭間知縣朱銳引澧

水入泮池經流東西文池

新莊橋 縣西南十三里

澧水橋 縣西十里俗名土橋弘治間知縣門

寧建三門以殺水勢

小戶村橋 縣西北十三里按縣志名大通橋

路通任縣成化十年建正德八年重修

賈宋橋 縣北十里

豆村橋 縣西十五里元張學士引澧水溉田

時建

長明橋 在城東門外正德十三年重修

奉化橋 在城北門外成化二十二年建

聚奎橋 在新開小南門外嘉靖三十七年建
郝橋 在城東二十五里鳳池村

新莊橋 在城南八里今盡圯

通濟橋 在城東三十里張村西洛河上弘治五年建

宗義橋 在城南狼溝河上萬曆十三年鄉人李宗義修因以名橋

迴龍橋 在城北六里路家店東

小石橋 在城東二十里狼溝河上

草橋 在大趙店即承先橋也

蘇家橋 在城東二十里徐家莊東洛河之上邑人蘇金等建故名蘇家橋

大趙橋 在城東大趙村西北

空高橋 在城東二十里梁家莊

跨虹橋 在小高村西狼溝河上

史趙橋 在城東三十五里洛河之上

秀水橋 在城東二十里圪塔頭村

烟雨橋 在城白佛店西順治二年修

惠民橋 在城東北七里路家莊東萬曆年建

南寒橋 府志縣志俱未載按畿輔通志在南和縣跨澧水而南爲往來輪蹄之所橋北有寺

寺中有樓真佳景也

澧水渡 府志縣志俱未載按畿輔通志在南和縣西十里夾太行而東瀾漫四五十里沙明水淨人多秀氣實一勝槩云

平鄉縣

隄西橋 縣東南五里

下莊橋 縣東北五里
尹村橋 縣北二十里
寶二莊橋 縣西北二十五里
廣宗縣

鉅鹿縣 按此二縣府志縣志俱未載

唐山縣

大寧橋 縣西北二十里

老僧橋 縣東北六里

馬河橋 縣西六里

南石橋 縣西南十五里

小石橋 在縣南門外

利民橋 在西尚村南

宋濟橋 在縣南二十里馬河上

女兒橋 在范解鋪南

內丘縣

錦繡堂關 縣西一百六十里有兵防守南至鶴度嶺二十五里錦繡堂已詳山川考

鶴度嶺關 縣西一百七十里在鶴度嶺上有兵防守南至馬嶺關三十五里鶴度嶺已詳山川考

尹村橋 縣北二十五里泚水上當衝衢

乾石橋 縣南三十五里梁原店南

九龍橋 在扁鵲廟前

義濟橋 在縣北七里許

仁濟橋 在縣南七里許

四楊橋 在縣南十七里

魯亭渡 府志縣志俱未載按畿輔通志在內

丘縣南十里
黃釜村渡 府志縣志俱未載按畿輔通志在內丘縣南十里

東龐渡

西龐渡 以上二渡府志縣志俱未載按畿輔通志俱在內丘縣南二十里

柳林渡 府志縣志俱未載按畿輔通志在內丘縣南十五里

尹村河渡 府志縣志俱未載按畿輔通志在內丘縣北三十里

青山村渡 府志縣志俱未載按畿輔通志在南丘縣西南二十里

任縣

會民橋 縣衙前

廣順橋 總鋪前

儒林橋 學前

迎恩橋 北門外

大石橋 城北一里

蔡河橋 縣北十里

澧河橋 縣東二十里

玉石橋 文廟前

升龍橋 文廟內跨泮池

方橋 察院內

運儲橋 縣倉前

清源橋 興賢街

浮屠橋 崇勝寺前

朝陽橋 東門外